




ASOMA ta informa.... Eleccion ta den porta

Directiva di ASOMA ta participa lo siguiente na su miembronan.

Dia 22 Februari ultimo directiva a sostene un reunion na su sede pa cual e puntonan cu a bin dilanti tabata di sumo importancia. Entre otro a bin dilanti cambianan den e statuut di Asoma, e puntonan cu ta conforme e desicion di e reunion general cu a tuma luga dia 2 Mei 2001, evaluacion di Festival di Tumba 2005 y pone fecha definitivo p'e eleccion pa un direktiva nobo. Como tambe fecha pa postulacion di candidatonan cu ta aspira na bira miembro di direktiva. Eleccion lo tuma luga dia 3 April proximo entre 3'or di merdia - 7'or anochi. Loke tambe a bin dilanti ta e cambianan y adaptacion di e articulonan di nos statuut, entrante dia 27 Februari 2005 a cuminsa e periodo

di un luna (30 dia) conforme art. 20 e statuut cu ta rekeri pa yama un reunion general extra-ordinario pa ratificacion di e esaki. Den corto plazo e notanan pa C.B.J.A.Z. ta termina e proceso di goedkeuring. Cu esaki ASOMA lo drenta un era nobo, pero nada por sosode sin e respaldo di su miembro, Asoma ta conta cu bo apoyo. Miembronan cu kier postulan mes como candidato pa eleccion di directiva por haci esaki dia 2 april 2005, di 7'or anochi te cu 10 anochi n'e sede di ASOMA, pa esaki tambe ta rekeri un carnet valido. Prome cu eleccion, dia 27 Maart 2005 pa 1 o p.m. a presenta e "jaarverslag" di e secretario y tesorero. Pa e ultimo aki lo nombra un comision (kas-commissie) pa controla e maneho financiero cu a wordo hiba dor di e directiva actual. Un biah mas directiva



Esaki ta Vi Maarten dos aña pasa entregando e reconocemento special na ex-rey di Tumba Juancho Kock. Asoma ta yamando tur esnan cu ta miembro y esnan cu no ta p'asina establece un directiva nobo. Ta con e desenlace final lo ta pa Asoma ya cu tin mas di e mira di e musiconan local cu no ta mucho contento y no ta inscribi mes na e asosacion. Interesante lo bira ken tur lo postula su mes pa presidente di Asoma.

kier a recorda TUR su miembronan cu no ta den posicion di un carnet valido pa aña 2004 - 2005 of 2005 - 2006 pa renova esaki na tempo. Tambe tin oportunidad pa esnan cu kier bira miembro pa bin inscribi. Tambe bo por tuma contacto cu Vi Marten na 730-1935 cualkier ora of 585-8747 "Sede di ASOMA", pa un cita. Pa renovacion of inscripcion ta rekeri 2

passfoto (nobo), cedula of pasaporte pa identificacion. No bini na ultimo ora, esaki ta pa evita cu bo ta keda desapunta y despues bo no lansa critica si bo mes no cumpli.

Un bes mas ASOMA "a yega tempo pa orden y disciplina den ASOMA organisacion" na nomber di direktiva Vi Marten.

Landa Henriquez ta cla pa lanza su video clip



Esaki ta Landa Henriquez hunto cu Melvin Garcia cu tabata invitado special di su cas p'asina haya un entrevista net prome cu su video-clip. Pronto Landa su produccion complete lo ta cla, mientras cu Chichi Peralta lo ta su productor general.

Siman a habri cu e invitacion cu SHWBLK a haya pa asisti na un reunion masha ameno, persona na persona cu Landa Henriquez. Aki nos a haya e oportunidad pa entrevista Landa Henriquez cu ta proximamente ta lanzando su video-clip cu a wordo graba na Sto. Domingo. Na nos yegada n'e cas di Landa Henriquez nos a wordo ricibi pa su representante local despues di a combersa kico ta su planan pa Aruba nos a wordo ricibi pa Raul (casa di Landa). Asina nos a drenta nos a haya un trato di rey n'e cas di Landa Henriquez unda cu nos a papia diferente cos off-the record. Despues di a kibra e ijs nos a entrevista Landa nos a wak "the making of" cu a mustra hopi interesante. Landa Henriquez a señala cu esaki tabata basta ora di grabacion y di berdad tabata vale la pena. Mientras cu no falta hopi p'asina nos wak nos Landa Henriquez riba un plano internacional.

